

## **PREPORUKE EU I OPERATIVNI ZAKLJUČCI**

sa prvog sastanka Pododbora za unutrašnje tržište i konkurenciju, uključujući zdravlje i zaštitu potrošača između EU i Bosne i Hercegovine

Brisel, 29. novembar 2016.

### **1. BANKARSTVO, OSIGURANJE I DRUGE FINANSIJSKE USLUGE**

1. EU je pozvala BiH da izradi/ažurira tabele za preuzimanje zakonodavstva radi utvrđivanja nivoa usklađivanja nacionalnog zakonodavstva sa evropskim zakonodavstvom u oblasti bankarstva.
2. U pogledu tržišta kapitala, EU je potakla BiH da se vodi onim što je EU radila i radi u smislu unapređenja okvira za borbu protiv zloupotrebe tržišta i novih pravila za organizaciju i transparentnost finansijskih tržišta (MiFID2).

### **2. PRAVO PRIVREDNIH DRUŠTAVA, RAČUNOVODSTVO I REVIZIJA**

3. EU je konstatovala razlike u pristupu i napretku između dvaju entiteta u procesu pravne reforme u vezi sa pravom privrednih društava, te je pozvala vlasti u BiH da usklade zakonodavstvo u cijeloj državi.
4. Što se tiče primjene prava privrednih društava, EU je konstatovala nepostojanje koherentne poruke i pozvala na bolje usmjeravanje u pružanju informacija.
5. Po pitanju Brčko Distrikta, EU je preporučila da relevantni organi poboljšaju svoje razumijevanje zakonodavnog okvira u BDBiH u oblasti prava privrednih društava.
6. U pogledu revizije, EU je potvrdila da će u BiH biti potrebno da jedan nadzorni organ preuzme odgovornost za nadzor ovlaštenih revizora u cijeloj državi.

### **3. JAVNE NABAVKE**

7. EU je potakla BiH da radi na usklađivanju sa direktivama o javnim nabavkama iz 2014. godine.
8. EU je preporučila nastavak razmjene informacija između Tijela za reviziju nabavki u BiH i DG GROW-a, kako bi se našlo rješenje za pitanje koje je pokrenula Evropska investicijska banka, a odnosi se na nepostojanje mogućnosti domaće revizije za projekte koje finansira ta banka.

### **4. POLITIKA JAVNOG ZDRAVSTVA I ZAŠTITA POTROŠAČA**

9. EU je pozvala BiH na usklađivanje sa zakonodavstvom iz 2014. godine o kontroli upotrebe duhana.
10. EU je pozvala BiH da potpiše i ratifikuje protokol o nezakonitoj trgovini.

11. EU je konstatovala da, iako RS ima sporazum sa Srbijom o pristupu zdravstvenoj njezi – a FBiH ima takav sporazum sa Hrvatskom – Brčko Distrikt nema takvu mogućnost. EU je preporučila da BiH pobliže razmotri kako Brčko Distrikt može raditi na približavanju i usklađivanju sa *acquis*-em i u oblasti javnog zdravstva i uopšte.
12. EU je pozvala BiH da radi na rješavanju nedostatka koordinacije dijeljenja i prikupljanja informacija, te saradnje između državnog i entitetskog nivoa na jačanju zdravstvenog sistema i osiguravanju pristupa svih građana zdravstvu, npr. u oblasti pretraga na rak (cerviksa, crijevnog trakta i dojke) i njegovog liječenja, te doniranja organa i transplantacije.
13. EU je ukazala da je u oblasti uvođenja, provedbe i rezultata nacionalnih programa imunizacije potrebno održivo poboljšanje, kako bi oni obuhvatili sve građane i kako bi se osigurala zdravstvena sigurnost.
14. EU je napomenula da su potrebne reforme zdravstvenog sistema zasnovane na standardima EU, kojim bi se zdravstveni sistem učinio efikasnijim, otpornijim i održivijim.

## **5. PRAVO POSLOVNOG NASTANA, SLOBODA PRUŽANJA USLUGA I PRIZNAVANJE STRUČNIH KVALIFIKACIJA**

15. EU je uputila jaku preporuku da BiH, prilikom približavanja svog zakonodavstva pravilima EU o unutrašnjem tržištu u oblasti prava poslovnog nastana i slobode pružanja usluga, treba prvo uspostaviti unutrašnje tržište za usluge u BiH i otkloniti još uvijek postojeće prepreke, poput obaveze registracije pružalaca usluga u oba entiteta.
16. EU je potakla vlasti u BiH da pojačaju aktivnosti na usklađivanju sa Direktivom o uslugama i Direktivom o priznavanju stručnih kvalifikacija.
17. EU je pozvala BiH da izradi državnu strategiju za poštanske usluge.
18. EU je naglasila da oba entiteta trebaju imati isti ritam približavanja i koordinisan raspored aktivnosti, te je preporučila da, nakon ispunjavanja Upitnika, sljedeći korak za BiH treba biti izrada nacionalnog plana za usvajanje *acquis*-a, u kojem će biti detaljno izloženi planovi države za usklađivanje u sljedećih 10-15 godina.

## **6. KONKURENCIJA I DRŽAVNA POMOĆ**

19. Što se tiče imenovanja članova Konkurencijskog vijeća, EU je pozvala BiH da što prije počne rješavati taj problem, te je predložila da bi se pitanje popunjavanja radnog mjesta predsjednika Vijeća moglo riješiti produžavanjem mandata na više od dvije godine i izradom lakše procedure za imenovanja.
20. EU je preporučila izmjene i dopune Zakona o konkurenciji, sa ciljem ukidanja prava veta za članove Konkurencijskog vijeća po osnovu pripadnosti jednom od konstitutivnih naroda. EU je takođe izrazila zabrinutost zbog prekratkih rokova za odlučivanje, koji dovode do odluka po automatizmu.

21. EU je preporučila da BiH nastavi usklađivati Zakon o konkurenciji sa *acquis*-em EU.
22. Pošto Sud BiH nema posebno odjeljenje koje se bavi pitanjima konkurencije, EU je predložila izradu IPA projekta kojim bi se sudije upoznale sa Zakonom o konkurenciji.
23. EU je izrazila ozbiljnu zabrinutost da RS još uvijek ne daje puni doprinos onako kako je utvrđeno Zakonom o državnoj pomoći, čime se Vijeću za državnu pomoć ne omogućava da radi punim kapacitetom.
24. EU je napomenula da BiH vlasti tek treba da pripreme brođane podatke o BDP-u usklađene na nivou NUTS-a II, sad kad su objavljeni rezultati popisa stanovništva. Obje strane su se obavezale da rješavaju navedeno pitanje putem nadležnih organa za statistiku, u sklopu Pododbora za ekonomiju i finansije.
25. EU je izrazila žaljenje zbog činjenice da u BiH ne postoji jedinstven pravni okvir za državnu pomoć, te je preporučila primjenu takvog ovira u cijeloj državi.
26. EU je preporučila da BiH nastavi sa usklađivanjem pravnog okvira za državnu pomoć sa *acquis*-em EU i da brzo poradi na usklađivanju postojećih programa pomoći.
27. EU je preporučila povećanje obima aktivnosti zagovaranja prema davaocima i korisnicima državne pomoći.

## **7. JAVNA PREDUZEĆA**

## **8. PRAVO INTELEKTUALNOG, INDUSTRIJSKOG I TRGOVINSKOG VLASNIŠTVA**

28. EU je potakla BiH da nastavi usklađivanje paketa zaštitnih znakova sa Direktivom 2015/2436 Evropskog parlamenta i Vijeća od 16.12.2015., Direktivom 2016/943 o zaštiti poslovnih tajni i saopštenjem kojim se pojašnjavaju određeni članovi Direktive 98/44 o zaštiti biotehničkih izuma.
29. Što se tiče provedbe, EU je izrazila žaljenje zbog velikog udjela nepravilnosti u provjerama i pozvala BiH da dostavi pismene statističke podatke.